



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Aetas.

urn:nbn:de:hbz:466:1-10447

pus habens provinciam, id est, Episcopos, Suffraganeos; Archiepiscopus vero, qui illam, vel illos non habent, non potest nuncupari Metropolitanus, sed solum Archiepiscopus, facit c. 21. 1. dist. post initium, ubi aliter Archiepiscopum, aliter Metropolitanum nominat: facit c. factore, 6. q. 3. Gem. in c. sint. vers. glossa secunda, de offi. ordin. lib. 6.

Secundo, Archiepiscopus est Judex ordinarius Saffraganei, Gemin. in c. 1. de offi. vic. lib. 6.

Tertio, Archiepiscopus potest ponere edictum per totam provinciam, quando esset casus suæ jurisdictioni competens, idem in c. 1. notab. 1. de suppl. negl. pralat. l. 6. vide Marinum Frezzam in tract. sub feudis, ubi etiam potest habere, quot Episcopatus, & Archiepiscopatus habeat Rex Neapolis, in Regno Neapolitano, & quot summus Pontifex.

ASSISTENTES IN CAPELLA PAPÆ.

Assistentes Patriarchæ, Archiepiscopi, & Episcopi in Capella Romano Pontifici, quænam habeant privilegia, & exemptiones: vide Jul. III. Bull. 14. quæ incipit, Romanus pontifex, & audivi inter alia, quod possint testari causa mortis, usque ad summam duorum milium ducatorum.

ARS NOTORIA.

Ars notoria dicitur illa, qua omnia quasi fiunt nota, & fit qui-

busdam observantiis, orationibus, & aliis rebus prohibitis, & est superstitiosa, & prohibita, quia ea media putant quidam posse scire omnia, licet apparenter aliquando virtute dæmonum aliqui vili sint ea scire media hac arte, sed falso, Barthol. Sybil. spec. per. qq. 9. 13. c. 11. 3. dec.

Secundo, Artis notoriæ libri omnes sunt prohibiti per indicem impressum Romæ anno 1596. in litera N, incertorum auctorum libri prohibiti.

Æ T A S.

Primò, quæritur, quomodo probatur ætas? Respondetur primò, quod potest per librum Baptismi Ecclesiæ parochialis, qui bene conservatur in dicta parochia: secundo, ex testificatione patris cum juramento, sicut etiam filiatio probatur ex scriptura, & annotatione patris, Dec. in capit. cum causam, colum. 3. vers. quarto fallit, de probat. Caputaquens. decisio 314. 1. p. vide in ver. matrimonium, dub. 14: licet Speculator in tit. detest. §: 1. ver. generaliter, & Alex. conf. 190. columna secunda, notab. 14. lib. 6. dicant patrum non posse testificari super consanguinitate nepotis, Caputaqu. decisione 279 parte tertia, sed potest intelligi in præjudicium tertii, vel quando exciperetur, vel in re gravis momenti, idem Navarr. consilio octavo de temp. ord. ubi dicit sufficere filio credere parentibus de legitima ætate asserentibus.

Secun-

Secundò quæritur, quæ ætas requiritur ad Ordines Ecclesiasticos? Respondetur quòd non sufficit ætas, prout in *Clem. 1. de at. & qual.* sed requiritur necessariò ætas requisita à **Sacro Concilio Tridentino** *sess. 23. c. 12. de reform.* quæ tamen ætas sufficit, ut attingatur etiam per ultimum diem, licet eum diem nondum excessisset. *Navar. conf. 9. de temp. ord. & in Manual. c. 25. n. 116.*

Tertiò, quæ ætas requiritur ad beneficia ecclesiastica obtinenda? Respondetur, prout in *ver. beneficium, §. 1. ver. ad dignitates, & in ver. Canonica, §. 2. & 3.* & **Conc. Trid. sess. 23. c. 6. de reform. & sess. 24. cap. 12. de reform. vide *Gom. in c. si eo tempore, ver. in eagl. in fine, de rescr. lib. 6. & in c. ex eo, notab. 2. de elect. eod. lib.***

Quartò, quæ ætas requiritur in contrahendo matrimonio? Respondetur, quòd sufficit in fœmina novem annorum cum dimidio, & in homine decem cum dimidio, & aliquando ex urgentissima causa potest ante pubertatem, *c. 2. de spons. impub. & ibi gloss. Innoc. & Pan. & Navar. conf. 4. de spons. impub. Cov. de spons. secunda parte, c. 5. per totum.*

APPELLATIO.

Primò quæritur, an possit appellari à diffinitiva, sine causæ expressione? Respondetur, quòd sic. hoc tamen fallit, quando appellatur in materia visitationis, correptionis, & inhabitationis, ubi non licet appellare sine causæ

expressione, **Conc. Trid. sess. 13. c. 1. de reform. §. in causis. Nav. conf. 1. de appell.**

Secundò quæritur, utrum sit verum unde quaque illud dictum, quòd in notoriis non detur appellatio? Respondetur quòd sic, tamen potest appellari à declaratoria notorii, ita *Nav. conf. 9. num. 5. de sent. excom.*

Tertiò quæritur, ad quem debeat appellari, quando Episcopus visitat, etiam tanquam Sedis Apost. delegatus, ad Metropolitanum, vel ad Papam? Respondetur prout in *ver. visitatio, qu. 3.*

Quartò quæritur, an sicut appellatio non suspendit excommunicationem, ita etiam non suspendat absolutionem? Respondetur, quòd non suspendit, seu impedit absolutionem, ut si quis dicat, appello, ne absolvas talem. Ratio est, quia non valet appellatio à futuro gravamine, secus verò si opponeretur appellatio ex iusta causa, & ab absolvente admitteretur, quia tunc negotium transferretur ad superiorem. *Innoc. in c. sacro, in fi. de sent. excom. & in primo calu ille qui fuit absolutus à Iudice à quo, manet absolutus quousque non revocetur à iudice ad quem, patet à contrario sensu, facit c. qua fronte, de appell.*

Quintò quæritur, interlocutoria quando possit revocari? Respondetur primò, quòd infra decem dies, patet vulgatis. secundò, non potest revocari, postquam iudex detulit appellationi, quia tunc causa devolvitur ad iudicem ad quem, *cap. cum appellacionib.*